


STAMMATINA....

di ADOLFO GIULIANI

RUBRICA



BIDONE ESASPERATISTA

Stammatina me
so' susuto
e so' ghiuto 'o
campusanto
pe' ghià a truvà
'e muorte nuoste
e pe' vedè comme
steveno...
Embè...
aggio truvato
'a surpresa
ca dint' 'e fuosse
nun ce steva niscluno:
se n'ereno iute
tutte quante,
p' 'a paura d' 'o virus!
Po' aggio saputo
ca tutte 'nzieme,
pure chille
ca nun sapeveno
pecché steveno llà,
so' ghiute pure lloro
a nu posto annascuso,
addó nisciuno 'e ppò truvà
e manco 'o virus
ce pò arrivà!

Strannuvolato

Napoli, 23 aprile 2020

Il termine è un neologismo che vuole significare tempo non buono, con molte nuvole minacciose

'O cielo s'è strannuvolato
sano... sano...
Che malincunia!
Pur' isso sta comme
'e core nuoste:
triste e scunsulato...
Ma nuje sapimmo
ch'è succieso, o no?
È 'a vita nosta ch'è cagnata,
è 'a vita d' 'o munno
ca nun è cchiù 'a stessa.
L'avimmo maltrattata, 'a casa nosta
e mo è chella ca ce truvammo,
è comme quando
staje sott' 'e mmacerie,
nc'avimm' 'a liberà
chianu... chianu...
c' 'a speranza d'ascì fora.
Pure si 'o tempo
s'è strannuvolato,
e nun è bbuono,
comme s'ha da fà?
Si è chesta ca vulimmo
nun ce sta nient' 'a fà,
'o tempo è accusì,
pe' tutto 'o munno.
Nuje, 'a casa nosta,
l'avimm' offesa
e maltrattata assaje,
avimm' 'a fà quaccosa,
pe' l'arripiglià!
Facimmo
comme fanno ll'animale
ca 'a casa llo
'a sanno rispettà
e pò essere
ca nu poco 'e luce
'a vedimmo ancora!